



# MARKAÐURINN

Sögurnar... tölurnar... fólkíð...

Parf prentun?  
Vistvæna prentun?

GUDJÓNÓ  
VISTVÆNA PRENTSMÍÐJA  
Sími 511 1234 - www.gudjono.is

Miðvikudagur 4. ágúst 2010 - 8. tölublað - 6. árgangur

Veffang: visir.is - Sími: 512 5000



**Hermann Guðmundsson**  
N1 ekki til sölu



**Bankar**  
Hagræðing framundan

**Forstjórabíllinn**  
Yfir heiðina með Óla Kristjáni



STANDA AÐ GREENCLOUD Tryggvi Lárusson Próunarstjóri og Eiríkur Svein Hrafnsson framkvæmdastjóri.

## Bjóða nýtt tölvuský

Nýtt íslenskt sprotafyrirtæki, Greencloud ehf., segist opna fyrsta umhverfisvæna „tölvuský“ heims síðar á þessu ári. Fyrirtækið var í júní valið í hóp ellefu heitustu sprotafyrirtækja heims á sviði tölvuskýja af tæknivefnum Giga-Om.com.

„Tölvuský eins og það sem Greencloud býður upp á snýst um að bjóða vélbúnað (miðlara, geymslupláss, net o.fl.), sem hýstur er í gagnaverum, sem þjónusta í sjálfsafgreiðslu,“ segir í tilkynningu.

Þar sem fyrirtækið ætlar að leigja rými í nýjum og væntanlegum gagnaverum hér á landi þá er það sagt standa vel að vígi varðandi endurnýjanlega orku. Viðskiptavinum verður boðið upp á mælaborð á skjánum sem sýnir tölfraði orkunotkunar hans og geta þeir þannig samstundis séð hversu mikinn útblástur þeir hafa sparað miðað við það svæði sem þeir búa á. - óká



BANKASTJÓRINN Seðlabanki Bandaríkjanna reiknar með hæðum efnahagsbata. MARKAÐURINN/AP

## Kaupa aftur ríkisskuldur

Seðlabanki Bandaríkjanna ákvað í gær að nýta vaxtatekjur af verðbréfaeign sinni til kaupa á skuldum hins opinbera. Tilgangur kaupa skulda bandaríska ríkiskassans er í meginatriðum sá sami og hjá Seðlabanka Íslands, það er að spara vaxtakostnað.


Seðlabankinn ytra gaf það jafnframt út í gær að reiknað sé með hæðum bata efnahagslífsins. Bankastjórnin gaf það út að vænst sé til þess að viðskipti seðlabankans hreyfi við fjármagnsmörkuðum og glæði eftirspurn á bandarískum neytendamarkaði. - jab

## HELST Í ÚTLÖNDUM

**Jansson hættir** Framkvæmdastjóri skandinavíska flugfélagsins SAS, Mats Jansson, ætlar að hætta í haust eftir að hafa starfað hjá flugfélaginu í fjögur ár. Þessi fjögur ár hefur hann notað til þess að draga verulega úr útgjöldum flugfélagsins, sem enn er þó rekið með tapi. Matsson verður sextugur á næsta ári og segir tíma kominn til að láta öðrum stjórna eftir.

**Leyfa BlackBerry** Stjórnvöld í Sádi-Arabíu segjast nú ætla að leyfa notkun samskiptaþjónustu BlackBerry-símanna áfram eftir að hafa „náð árangri“ í viðræðum við kanadíska framleiðendur símanna, eins og yfirmaður fjarskiptamála í Sádi-Arabíu orðaði það. Stjórnvöld þar í landi höfðu ætlað sér að banna símana, og báru við öryggisástandum.

**Sviknir vilja meira** Fjárfestar, sem töpuðu fé sínu í svikamyllu Bernards Madoff, eru ósáttir við að fá einungis greitt til baka það fé



sem þeir lögðu í svikamylluna, eins og alríkisdómstóll úrskurðaði í mars. Þeir vilja ógilda þann úrskurð og krefjast þess að fá allt það fé sem fullt var

ad þeir ættu samkvæmt yfirlitum sem þeir fengu send frá Madoff.



**Kínverjar flytja meira út** Útflutningur frá Kína jókst um 38 prósent í júlí, en hafði aukist um 44 prósent í júní. Innflutningur jókst um tæp 23 prósent í júlí en hafði aukist um 34 prósent í júní. Á Vesturlöndum óttast menn að þetta dragi úr eftirspurn og lækki verð á framleiðsluvörum. Kínverska júanið hefur lækkað hægt síðan þarlend stjórnvöld hættu við tengingu þess við Bandaríkjadal í júní síðastliðnum.

# Seðlabanki gæti stöðvað styrkingu krónu

Hefur valdið minnkun verðbólgu og auknum kaupmætti en frekari styrking kann að koma illa við útflutningsfyrirtæki.

Magnús Þorlákur Lúðvíksson  
skrifar


Íslenska krónan hefur styrkst umtalsvert á síðustu vikum og eftir 2,4 prósentu styrkingu síðustu tvær vikur er gengi hennar nú 11,5 prósentum hærra en um síðustu áramót. Styrkingin hefur áhrif víða í efnahagslífinu og hefur til að mynda valdið auknum kaupmætti launa.

„Gjaldeyrishöftin hafa hjálpað krónunni að klifra upp. Það er vöruskiptaafgangur sem er nú allur að koma inn á gjaldeyrismarkaðinn og almennt séð hefur traustið á krónunni líka vaxið. Það eru svona helstu ástæðurnar,“ segir Ásgeir Jónsson, forstöðumaður greiningardeildar Arion banka. Í frétt á vef Íslandsbanka um styrkinguna kemur fram að hækkunin tengist líka auknu gjaldeyrissinnflæði sem rekja má til ferðabjónustu en það flæði er í árstíðarbundnu hámarki um þessar mundir.

Til að setja styrkinguna í samhengi er hægt að bera saman verð evru og dollara í upphafi árs og svo núna. Um áramótin kostaði evran 179,9 krónur en kostar nú 154,0, dollarinn kostaði hins vegar 124,9 krónur þá en kostar nú 116,8.

Ásgeir segir styrkinguna hafa þau áhrif helst að verðbólgan hjaðni auk þess sem hún auki kaupmátt almennings. Styrkingin hafi hins vegar neikvæð áhrif á útflutningsfyrirtækin. „Ef við tökum verðbólguna þá munum við sjá hana bara hverfa ef krónan veikist ekki aftur. Krónan hefur áhrif á um 40 prósent af vísitölu neysliverðs og húsnæðisverð er 20 prósent af vísitölunni. Báðir þessir liðir eru á niðurleið svo það gefur augaleið að verðbólgan lækkar,“ segir Ásgeir.

Lægri verðbólga hefur gefið Seðlabankanum



meira rými til að lækka vexti auk þess sem styrking hefur orðið án nokkurra inngripa Seðlabankans á gjaldeyrismarkaði. Bankinn hefur ekki komið inn á markaðinn síðan í nóvember í fyrra.

Ásgeiri finnst líklegt að Seðlabankinn taki bráðlega í taumana á gjaldeyrismarkaðnum og stöðvi þessa styrkingu. „Á einhverjum tímamarki hlýtur Seðlabankinn að koma inn á markaðinn og stöðva þessa styrkingu með því að kaupa gjaldeyri. Það var gefið til kynna á síðasta peningamálafræðingafundi að slíkt yrði gert. Seðlabankinn þarf að byggja upp gjaldeyrisforða áður en við getum tekið höftin af og þessi tímamarkur virðist vera góður því út frá þjóðhagslegum forsendum er ekkert rosalega gott að láta gengi krónunnar styrkjast mikið meira,“ segir Ásgeir og bætir því að það helsta sem hvetji áfram atvinnulífið og sköpun starfa um þessar mundir sé útflutningur sem hagnist á lágu gengi.

## Spá 50 punkta lækkun stýrivaxta

Greiningardeildir Íslandsbanka og Arion banka segja lækkunarferli SÍ halda áfram. Ef ekki væri fyrir áframhaldandi óvissu þá mætti lækka vexti meira.

Seðlabanki Íslands lækkar stýrivexti sína um sem nemur 0,50 prósentustigum (50 punktum) á vaxtaákvörðunardegi sínum 18. þessa mánaðar, gangi eftir spár greiningardeilda Íslandsbanka og Arion banka. Greiningardeildir beggja banka gera ráð fyrir að við lækkunina fari vextir á viðskiptareikningum innlánsstofnana, sem eru hinir eiginlegu virku stýrivextir í dag, niður í 6,0 prósent og vextir á lánum gegn veði til sjö daga í 7,5 prósent.

Bent er á það í umfjöllun greiningardeilda beggja bankanna að hjóðnun verðbólgu síðustu mánuði hafi skapað verulegt svigrúm til frekari vaxtalækkunar, en verðbólga hafi gengið hraðar niður en gert hafi verið ráð fyrir í síðustu hagspá Seðlabankans. Þá standi gengi krónunnar undir því að forsendur séu til frekari tilslökunar peningastefnunnar, skuldabæturtryggingarálag ríkisins hafi lækkað og utanríkisviðskipti haldið áfram að skila afgangi.

„Óvissan varðandi aðgengi Íslands að erlendu fjármagni hefur lítið breyst,“ bendir Greining Íslandsbanka á og greiningardeild Arion segir óvissu vegna dómsins um ölögsmæti gengistryggðra lána gera að vextir verði líklega ekki lækkaðir meira nú, þótt aðrir hagvísar gæfu tilefni til meiri lækkunar.

Við síðustu vaxtaákvörðun, 23. júní síðastliðinn, lækkuðu stýrivextir Seðlabankans líka um sem nemur 0,50 prósentustigum. „Má geta þess að þá vildu tveir af fimm nefndarmönnum taka aðra ákvörðun og lagði annar til 0,25 prósentu vaxtalækkun og hinn 0,75 prósentna lækkun. Sá sem vildi meiri lækkun hélt því fram að best væri að bregðast við áhrifum gjaldeyriskreppunnar með gjaldeyrishöftum og nota lægri vexti til að bregðast við fjármagnskreppunni,“ segir í umfjöllun Íslandsbanka. - óká

# Delta flýgur til Íslands

Bandaríska flugfélagið Delta Airlines ætlar að opna flugleið frá New York til Íslands frá og með júníbyrjun á næsta ári. Frá því er greint á ferðavef AOL (America Online) að við þetta verði flugfélagið það eina af bandarísku flugfélögum til að bjóða beint flug þaðan til Íslands.

Félagið ætlar að nota Boeing 757-200 þotu í flugið, en í henni verða 15 „business class“-seti og 155 almenn. Flugleið verður milli John F. Kennedy-álfjóðaflugvallarins og Keflavíkurflugvallar.

- óká



VIÐ ÞOTU DELTA Flugfélagið Delta Airlines ætlar eitt amerískra flugfélaga að bjóða reglubundið flug hingað til lands.

# Nýjung í markaðsmálum á Íslandi

Bláu ninjurnar vöktu athygli. Vildu nota samfélagsmiðla meira en áður.

Bláar ninjur hafa í sumar birst víða um land án nokkurrar skýringar. Nýlega kom í ljós að um markaðsherferð fyrir fartölvur hjá Nýherja er að ræða. Herferðin var unnin af auglýsingastofunni Kapital en starfsmenn hennar segjast lengi hafa beðið eftir tækifæri til að gera eitthvað þessu líkt.

„Við teljum okkur vera að fara ótroðnar slóðir á Íslandi. Það hefur lítið verið gert af því hér að nota samfélagsmiðla í herferðum í þeim mæli sem við höfum gert. Við höfum aðallega byggt á Facebook og Youtube,“ segir Davíð Már



Bjarnason, framkvæmdastjóri Kapital. Davíð segir að þeir hafi þurft að sníða herferðina eftir því hve auglýsingatímabilið áður en skólar byrja aftur er stutt. „Markmiðið var að vekja athygli og búa til vörumerki yfir sumarið og skipta svo á smekklegan hátt yfir í þennan hefðbundna auglýsingafasa nú í ágúst með því að afhjúpa ninjurnar sem auglýsing. Ég held það hafi tekist ágætlega.“ - mþl

STARFSMENN KAPITAL Bláar ninjur á vegum Kapital fóru víða um land áður en hulunni var svipt af þeim.

# Ekkert til sölu í N1

Móðurfélag N1 er í fjárhagslegri endurskipulagningu. Forstjórinn segir enga breytingu hafa orðið á eignarhaldi þrátt fyrir sögusagnir um annað.

Jón Aðalsteinn Bergsveinsson  
skrifar

Fjöldi fjárfesta hefur sýnt áhuga á að gerast hluthafi í olíuversluninni N1 en orðið lítið ágengt. Þar á meðal er erlendur fjárfestir, samkvæmt heimildum Fréttablaðsins. Hermann Guðmundsson, forstjóri fyrirtækisins, segir hlut í félaginu ekki til sölu og hafi engin breyting orðið á eignarhaldi þess síðastliðin fjögur ár.

Eignarhaldsfélagið BNT er móðurfélag N1. Helming í því eiga bræðurnir Benedikt og Einar Sveinssonir, löngum kenndir við Engeyjarættina. Hlutinn eiga þeir í gegnum fjárfestingafélagin Mátt og Hafsilfur eignarhaldsfélag. Staða félaganna veiktist verulega eftir bankahrunið, ekki síst eftir að Íslandsbanki tók hlut Máttar í Icelandair Group upp í skuldir í maí í fyrra.

Rekstur N1 hefur hins vegar gengið vel þrátt fyrir efnahagsþrengingar en félagið hagnaðist um tæpar 280 milljónir króna í fyrra samanborið við rúmlega 1,1 milljarðs króna tap árið á undan. Á móti hefur félagið verið nokkuð skuldsett síðan BNT yfirtók reksturinn árið 2006.

Tilkynnt var til Kauphallarinnar um miðjan júlí að hluti af lánnum BNT, móðurfélags N1, sé kominn á gjalddaga og hafi ekki verið greitt af þeim á þessu ári. Unnið er að fjárhagslegri endurskipulagningu um þessar mundir.

Sögusagnir hafa verið á kreiki um að Íslandsbanki fari óformlega með stjórn N1 í krafti yfirtöku á helmingshlut í BNT. Hermann vísar því á bug. „Ég vil ekkert spá um framtíðina. En ég get þó sagt að allir hluthafar eru þeir sömu og í upphafi árs 2006. Engin teikn eru á lofti um að það breytist á næstu dögum,“ segir hann.



HERMANN GUÐMUNDSSON Forstjóri N1 segir fjárfesta hafa sýnt áhuga á kaupum á hlut í félaginu. Ekkert sé til sölu.

MARKAÐURINN/STEFAN

## Dótturfélagið tapaði hálfum milljarði

Umtak, félag N1 sem á fasteignir olíuverslunarinnar, tapaði rúmum 464 milljónum krónum í fyrra sem er viðsnúningur frá rúmlega 2,4 milljarða króna hagnaði árið 2008. Niðurfærsla á fjárfestingaeignum, úr rúmum fimmtán milljónum króna í sex hundruð milljónir, skýrir viðsnúninginn að miklu leyti.

Félagið skuldar 27 milljarða króna. Meginþorri skuldanna, 25,4 milljarðar, eru stökkbreytt lán sem Kaupþing veitti félaginu í evrum. Á móti eru eignir bókfærðar á 29,9 milljarða króna. Eigið fé í lok síðasta árs nam rúmum 2,7 milljónum króna.

Í skýringum við ársuppgjörið í fyrra kemur fram að fall krónunnar liti uppgjörið og sé eiginfjárlutfall nú rétt innan við tíu prósent. Hins vegar standist öll lána-skilyrði lánasamninga og hafi langtímalán félagsins verið í skilum um áramótin.

BANKABÓKIN			
Samanburður á vaxtatöflum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 3,80% <sup>A</sup>	13,85%	13,50%
Íslandsbanki	Vaxtaþrep 4,55%	13,50%	13,25%
Landsbankinn	Vaxtareikningur 4,90% <sup>B</sup>	13,75%	13,75%
BANKI	MP-1 5,25% <sup>C</sup>	13,25%	11,75 til 13,25%
BYR	PM-reikningur 4,85%	14,15%	14,90%
SPARISJÓÐURINN	Netreikningur 5,05% <sup>D</sup>	14,75%	14,20%
Sjó	Sparnaðarreikningur 4,20%	13,10%	Ekki í boði.

\*Miðað er við 250.000 króna innlegg og sem skemmsta bindingu. <sup>A</sup> Bundinn í tíu daga. <sup>B</sup> Bundinn í sjö daga. <sup>C</sup> Bundinn í einn mánuð. <sup>D</sup> Úttektargjald hjá gjaldkera 0,25%  
Athugið að ekki er tekið tillit til árgjalds, sem getur fylgt yfirdráttarreikningum.

## Hlutabréf í Hydro falla

Verð hlutabréfa Norsk Hydro féll um rúm fjögur prósent eftir að upplýst var að starfsemi hefði stöðvast í Quatalum-álverinu í Katar á mánudag. Norsk Hydro á álverið til helminga á móti Quatar Petroleum.


Bilun í raforkukerfi Katar olli fimm stunda rafmagnsleysi á mánudag. Við það lækkaði svo hitastig í bræðsluofnum álvers-



ins að ekki var hægt að hefja framleiðslu að nýju.

Álverið er nýtt og hafði náð 60 prósentum af áætlaðri nýtingu upp á 585 þúsund tonn. Full nýting átti að nást á þessu ári, en frestast um ófyrirséðan tíma. Atvikið er talið koma til með að hafa neikvæð áhrif á hagnað Norsk Hydro 2011, þótt of snemmt sé að segja til um hversu mikil.

- óká



Stefnir - *Ríkisvixlasjóður.*  
Traustur kostur fyrir einstaklinga og fyrirtæki.

Verðbréfabjónusta Arion banka er söluaðili sjóða Stefnis.

Kynntu þér sjóðina hjá starfsfólki verðbréfabjónustu Arion banka í síma 444 7000, í næsta útibúi eða á arionbanki.is/sjodir

- 90% ríkisvixlar og ríkisskuldabréf / 10% innlán
- Vixlar og stutt skuldabréf með ábyrgð íslenska ríkisins. Sjóðnum er heimilt að fjárfesta allt að 10% í innlánnum.
- Litlar sveiflur í ávöxtun og enginn binditími.
- Hentar þeim sem vilja fjárfesta í þrjá mánuði eða lengur.
- Lágmarkskaup 5.000 kr.
- Enginn munur á kaup- og sölugengi.

Hafðu samband  
sími 444 7000 • arionbanki.is

Arion banki



# 4 vikna Lúxusnámskeið NORDICASPA

fyrir konur og karla

## Hjá okkur nærðu árangri!

- Fimm tímar í viku – Brennsla og styrkur
- 3 öflugir brennslutímar
- 2 styrktartímar í sal
- Vikulegar mælingar
- Ítarleg næringarráðgjöf
- Fyrirlestur – Borðuðu til að léttast og auka orkuna
- Slökun og herðanudd eftir hverja æfingu
- Takmarkaður fjöldi
- 6:30, 7:30, 10:00, 16:30 og 18:30
- Þjálfari er Gunnar Már Sigfússon

### 1. vika – Orkuhleðsla

Í fyrstu vikunni byggir þú upp orku og kemur líkamanum í jafnvægi.

### 2. vika – Öflug melting – Aukin brennsla

Í viku tvö er verið að efla og bæta meltinguna til að þú fáið sem mest út úr holla matnum sem þú ert að borða.

### 3. vika – Hormóna jafnvægi – Hreinsun

Þriðja vikan mun koma jafnvægi á hormónaflæði líkamans sem mun hafa áhrif á skap þitt, lífsorku og kraft.

### 4. vika – Ónæmiskerfi eftt – Jafnvægi

Í viku fjögur byggjum við upp ónæmiskerfið og hjálpum því að verja líkamann á náttúrulegan hátt.

Daglegur fróðleikur um **mat**  
& **næringu** fullt af  
uppskriftum



heitir **pottar** og  
**herðanudd**  
eftir hvern  
tíma



Vikulegar mælingar  
mikið **aðhald**



## Ertu að glíma við:

- Mataróþol
- Matarfíkn og sykurlöngun
- Maga- og ristilvandamál
- Verki og bólgur í liðum
- Streitu, þreytu og svefnleysi
- Þunglyndi
- Aðra lífsstílsjúkdóma

# 28 daga hreinsun NORDICASPA með mataræði og hreyfingu

- Fimm tímar í viku – hreinsun, liðleiki og styrkur
- 3 tímar – jóga, liðleiki og öndun
- 2 tímar – léttar styrktaræfingar í tækjasal
- Tímar: 6:45 og 17:20 mán/mið/fös.
- Þjálfari er Sigríður Guðjohnsen

Á námskeiðinu hreinsum við líkamann af óæskilegum eitrefnum, aukum getu hans til að vinna rétt úr fæðunni, aukum liðleika og styrk og komum þér af stað í nýjan lífsstíl!

Bæði námskeiðin hefjast 16. ágúst

Fyrirlestur 14. ágúst

Verð kr. 34.900

Skráning er hafin í síma 444-5090

eða [nordicaspa@nordicaspa.is](mailto:nordicaspa@nordicaspa.is)

N O R D I C A S P A

[WWW.NORDICASPA.IS](http://WWW.NORDICASPA.IS)





**SAMEINADUR SMÁBANKI?** Umfangsmiklar hagræðingaraðgerðir eru nauðsynlegar í íslenska bankageiranum. Fækka þarf útibúum, segja upp starfsfólki og útvista þá starfsemi sem hægt er. Viðskiptaráðherra hugnast ekki sameining viðskiptabankanna við núverandi aðstæður.

MARKAÐURINN/SAMSETT MYND

# Niðurskurður *nauðsynlegur* í útpöndu bankakerfi

Bankakerfið hér á landi jafnaðist á við margfalda landsframleiðslu þegar mest lét fyrir hrun. Þótt það sé nú dvergvaðið í samanburði telja margir uppstokkun á því nauðsynlega. Jón Aðalsteinn Bergsveinsson skoðaði þær aðgerðir sem taldar eru nauðsynlegar.

Íslenska bankakerfið hefur lengi verið of stórt í alþjóðlegum samanburði, útibúanetið umfangsmikið og of margir að vinna í bönkunum. Á sama tíma hefur efnahagsreikningur bankanna skroppið saman. Það er samdóma álit viðmælenda Fréttablaðsins að nauðsynlegt sé að hagræða í bankageiranum með óvægnum niðurskurði. Að öðrum kosti muni ganga erfiðlega að reisa það við á ný.

**PUNGUR REKSTUR**  
Í mánaðargamalli skýrslu Bankasýslu

ríkisins, sem fer með hlut hins opinbera í þeim bönkum og fjármála fyrirtækjum sem ríkið hefur tekið yfir, kemur fram að hagræða þurfi í bankakerfinu.

Bankasýslan á hlut í öllum bönkunum þremur, mest í Landsbankanum en minnst í Íslandsbanka. Bankasýslan segir eðlilega arðsemiskröfu vera um fimmtán prósent. Einungis einn banki af þremur uppfyllir þau skilyrði. Það er Íslandsbanki. Arðsemi hans er á bilinu 28,7 til 32,5 af grunnrekstri á móti 2,4 til 6,4 prósent hjá Landsbankanum.

Í skýrslunni er tekið fram að rekstur bankanna byggist nú að stærstum hluta á þremur stöðum; endurmati eigna og gjaldeyrishagnaði, viðskiptabankastarfsemi og þóknunartekjum af eignastýringu. Stærsti og veigamesti tekjupósturinn, endurmat eigna, sé til skamms tíma. Ef ekki væri fyrir hann væri rekstur þeirra banka sem skila hvað minnsti arðseminni í jarnum.

Þá kemur fram í skýrslunni að kostnaðarhlutfall, rekstrargjöld sem hlutfall af hreinum rekstrartekjum, er of hátt í

## Tvö ný skref í bankaheimi

Gangi allt eftir verður nýr netbanki opnaður á næsta ári. Hópur fjárfesta er sagður íhuga kaup á öðrum.

Þrátt fyrir að bankakerfið hér sé of stórt í alþjóðlegum samanburði og lítið að gera telja sumir sig sjá tækifæri á fjármálamarkaðnum.

Einn netbanki er á teikniborðinu auk þess sem innlendir fjárfestar skoða kaup á hlut í banka eða fjármála fyrirtæki með viðskiptabankaleyfi.

### RÁÐGJAFARNETBANKI

Stjórnendur ráðgjafarfyrirtækisins Sparnaðar, sem Ingólfur H. Ingólfsson fer fyrir, eru komnir vel á veg með stofnun netbanka, sem þjónusta mun einstaklinga og meðalstór fyrirtæki. Þeir leita þessa dagana að fjárfestum en hugmyndin er að safna fimm milljónum evra, jafnvirði átta hundruð milljóna króna, og verður hann í dreifðri eignaraðild. DV greindi frá því í síðustu viku að fyrirhugað sé að bankinn, sem ekki mun opna neitt útibú, hefji starfsemi á næsta ári.

Bakhjarlar bankans hafa enn ekki sótt um viðskiptabankaleyfi. Gangi allt eftir verður þetta fyrsta viðskiptabankaleyfið sem veitt verður innlendum viðskiptabanka sem stofnaður er frá grunni frá því Íðnaðarbanki Ís-

lands var stofnaður árið 1953, samkvæmt upplýsingum frá Fjármálaeftirlitinu.

Viðmælendur Fréttablaðsins segja jákvætt að nýr banki líti dagsins ljós. Erfitt geti reynst að keppa við þau fjármála fyrirtæki sem fyrir eru á litlum markaði. Framtíð bankans velti á nokkrum þáttum; svo sem hvaða fjárfestar séu tilbúnir til að festa fé í fyrirtæki á óstöðugum innlendum fjármálamarkaði sem óvíst sé hvenær losni undan gjaldeyrishöftum auk þess sem hann verði að uppfylla ströng skilyrði um áhættustýringu og innra regluverk, sem er kostnaðarsamur hluti í bankarekstri. Þá á enn eftir að koma í ljós hvað bankinn býður umfram önnur fjármála fyrirtæki.

### TÆKIFÆRI Í HÁUM VÖXTUM

Eftir því sem næst verður komist er hópur fjárfesta að skoða kaup ýmist á banka eða fjármála fyrirtæki með viðskiptabankaleyfi

að öllu leyti eða hluta. Hugmyndin mun upphaflega hafa verið að feta svipaða stigu og stjórnendur Sparnaðar. Fjárfestarnir hafi hins vegar talið það seinfæra og kostnaðarsama leið og því ákveðið að stytta förina með kaupum á fyrirtæki með viðskiptabankaleyfi.

Akkur er í viðskiptabankaleyfi við núverandi vaxtastig en þeir einu sem slíku flagga geta stundað vaxtamunaviðskipti við Seðlabankann, það er tekið við innlánum hjá viðskiptavinum og féð lagt inn á viðskiptareikning hjá Seðlabankanum. Vextir á innlánum bankanna liggja í kringum fjögur prósent. Vextir á viðskiptareikningum innlánsstofnana hljóða hins vegar upp á 6,5 prósent. Hagnaður af þess háttar viðskiptum þykir gulltryggður enda færast vaxtamunurinn af þeim sem hagnaður í bækur þess

banka sem slíkt stundar.

Ekki liggur fyrir hvaða fjárfestar eru í hópnum. Nokkur nöfn hafa þó verið nefnd. Þar á meðal er nafn Skúla Mogensen, eins af stofnendum hugbúnaðarfyrirtækisins Oz. Þegar Skúli sneri aftur hingað eftir sölu á Oz í Kanada til Nokia haustið 2008 leitaði hann fjárfestingartækifæra hér víða. Hann hefur á síðustu níu mánuðum fjárfest í tæknifyrirtækjum á borð við Datamarket, Caoz og í gagnaverinu Thor Data Center fyrir samtals 1,3 milljarða króna, samkvæmt heimildum Fréttablaðsins. Auk þess var hann orðaður við kaup á þrettán prósent hlut Byrs í MP Banka. Söluferlinu var frestað og situr Byr enn á hlutum.

„Ég er ekki að vinna í skipulögðum hópi. En það er ekkert launungamál að ég hef áhuga á að koma að því að endurvekja hér traust umhverfi. Banki er lykill í slíkri enduruppbyggingu. Það er ekkert formlegt ferli í gangi enda langt í að slíkt fari af stað, því miður,“ segir Skúli. „Ég lít á þetta sem eitt af fjölmörgum tækifærum sem við skoðum. Það er enginn einn banki á borðinu. Þetta er almenns eðlis. Ef eitt-hvað kemur upp skoða ég það.“



INGÓLFUR H. INGÓLFSSON



SKÚLI MOGENSEN

ÚTTEKT

Arion banka og hjá Landsbankanum. Þótt líklegt sé að grunnrekstur bankanna batni að lokinni endurskipulagningu lánasafna bankanna verði engu að síður að grípa til ráðstafana til að tryggja viðunandi rekstur þeirra.

**BEDIÐ EFTIR EVRUNNI**

„Að mínu mati er kostnaðurinn við rekstur bankakerfisins enn of mikill,“ segir Gylfi Magnússon, efnahags- og viðskiptaráðherra. Hann segir ákvörðunina í höndum eigenda bankanna, Bankasýslu ríkisins og kröfuhafa að draga úr kostnaði og bæta arðsemi þeirra. Grípa má til ýmissa ráða að hans mati; draga úr yfirbyggingu banka og sparisjóða, fækka útibúum og út- vista ákveðnum þáttum, svo sem tengdum



**HÖSKULDUR H. ÓLAFSSON**



**GYLFI MAGNÚSSON**

upplýsingatækni.

Um nokkurt skeið hefur verið rætt opinberlega um hugsanlega hagræðingu fölgna í sameiningu tveggja af stóru bönkunum þremur. Gylfi segir það ekki koma til greina við núverandi aðstæður.

„Sameinaður banki yrði mjög stór og hefði yfirburði á samkeppnisaðila. Reynslan sýnir að það er mjög hættulegt fyrirkomulag. Sæmilega stórar stofnanir í virkri samkeppni ættu að vera

af hinu góða og bankakerfið mun stöðugra en ef það hefði einn risastóran banka, einn frekar lítinn og nokkra örsmáa,“ segir Gylfi og tiltekur að millibankamarkaðir með gjaldeyri og verðbréf virki illa með fáa þátttakendur. „Ef einn er langstærstur er erfitt að sjá fyrir sér virka verðmyndun á mörgum mörkuðum. Við höfum hana ekki núna en fáum hana vonandi aftur á næstu árum.“

Viðskiptaráðherra hugnast mun betur að sameina banka og fjármálafyrirtæki gangi upptaka evru sem gjaldmiðils hér á landi eftir. „Þá væri íslenska bankakerfið komið með öflugri bakhjarl, evrópska seðlabankann, og fleiri valkosti fyrir viðskiptavinum, sem gætu snúið sér til erlendra viðskiptabanka,“ segir Gylfi og tiltekur að á sama tíma muni gjaldeyrismarkaðurinn opnast upp á gátt þegar krónan setji fjármálakerfinu ekki þröngar skorður.

**TILTEKTIN HAFIN**

„Það er búið að vinna í hagræðingarverkefnum og útibúum fækkað verulega. Þeim verður fækkað með sameiningu útibúa á höfuðborgarsvæðinu í vetur,“ segir Höskuldur H. Ólafsson, bankastjóri Arion banka.

Höskuldur bendir á að mikil vinna hafi farið í flókin ástandsbundin verkefni, sem tengjast tímafrekri þjónustu við einstaklinga og fyrirtæki. „Þetta er vinnuafslátt og tefur fyrir frekari hagræðingu,“ segir hann og bendir á að þegar sé búið að fækka starfsfólki um fimmtán prósent hjá bankanum.

Fréttablaðið leitaði eftir viðtali við bankastjóra hinna stóru viðskiptabankanna. Birna Ein-

arsdóttir, bankastjóri Íslandsbanka, sá sér ekki fært að tjá sig um málið þegar eftir því var leitad í gær.

**HÖFUÐSTÖÐVAR SKORNAR NIÐUR**

Viðmælendur Fréttablaðsins innan og utan bankageirans segja hagræðingu innan bankageirans bráðnaðsynlega. Fleira þurfi þó að koma til en sameining útibúa. Mikilvægt sé að draga úr launakostnaði hvort heldur með launalækkun eða með uppsögnum á starfsfólki.

Þeir sem rætt var við benda á að doði sé yfir almennri útlánastarfsemi þar eð fá veð séu til að lána út á. Þetta hefur valdið því að nokkrir millistjórnendur innan bankanna hafa átt frumkvæðið að því að segja starfi sínu lausu og ákveðið að leita fyrir sér á öðrum vettvangi fremur en að vera eins konar áskrifendur að launum sínum.

Eins og Höskuldur hjá Arion banka bendir á hafa skuldbreytingar og aðrar sambærilegar aðgerðir tekið við af útlánastarfsemi. Þetta eru svipaðar aðstæður og skapast hafa á meginlandi Evrópu, ekki síst í Bretlandi. Þar er hins vegar nokkuð um liðið síðan niðurskurðarhnífurinn var settur á loft og ónaðsynleg fita skorin af kerfinu. Heimildir Fréttablaðsins herma að þegar stöðugleiki komist á rekstur bankanna og uppstokkun á skuldamálu einstaklinga og fyrirtækja verði komin fyrir horn verði niðurskurðarhnífnum brugðið á loft innan fjármálageirans.

Öðru fremur er talið að niðurskurðurinn verði í höfuðstöðvum viðskiptabankanna stóru á höfuðborgarsvæðinu. Eigi að nást fram raunveruleg hagræðing verði að fækka starfsfólki.

**Töpum á smæðinni**

Hagræðingar hefur verið þörf á bankakerfinu í áratug. Í uppganginum var málinu slegið á frest.

Arðsemi bankanna bendir til að hagræðingar sé þörf. Þetta segir Gísli Hauksson, framkvæmdastjóri GAM Management. Hann bætir við að bæði Bankasýslan og AGS telji að rekstrarafkoma bankanna sé ekki viðunandi. Hagnaður bankanna í fyrra skýrist öðru fremur af vaxtamunaviðskiptum við Seðlabankann og verðbólguþekjum en ekki af hefðbundinni bankastarfsemi. Hagræðingarkrafan hljóti því að vera mikil um þessar mundir.



**GÍSLI** Smæð hagkerfisins veldur því að bankakerfið verður ævinlega hlutfallslega stórt, segir framkvæmdastjóri GAM Management. MARKAÐURINN/ARNPÓR


Gísli bendir á að efnahagsreikningur bankanna hafi skroppið saman eftir hrúnið. Það sama eigi ekki við um rekstur og mannahald. Því sé eðlilegasta leiðin að draga saman í rekstri þeirra, skera niður útibúanetið og umfang jafnt á höfuðborgarsvæðinu sem landsbyggðinni.

Gísli segir rætt hafa verið um hagræðingu innan bankanna í hátt í áratug. „Það var umtalað í bönkunum fyrir hrún að hagræðingaraðgerðir væru framundan, sérstaklega í tengslum við útibúanetið. En á meðan rekstur þeirra var mjög góður var ekkert gert,“ segir hann en bætir við að þótt bankakerfið yrði skorið niður valdi smæð samfélagsins því að starfsmannafjöldi í fjármálageiranum muni ævinlega verða hlutfallslega meiri hér á hverja þúsund íbúa en í öðrum

löndum. „Við högnumst lítið á stærðarhagkvæmni eins og í öðrum löndum,“ segir hann.

- jab

**STARFSFÓLK Í FJÁRMÁLAGEIRANUM SEM HLUTFALL AF VINNUAFLI**



**4.200 manns vinna hjá bönkunum**

Starfsmenn fyrirtækja í fjármálaþjónustu hér voru 5.600 í lok árs 2007. Þeir eru nú 4.200. Þetta jafngildir 25 prósentu fækkun starfa, samkvæmt upplýsingum úr skýrslu Bankasýslu ríkisins. Meirihluti þeirra, rúmlega 3.000 vinna hjá Arion banka, Íslandsbanka og Landsbankanum. Aðrir vinna hjá sparisjóðunum og öðrum smærri bönkunum og fjármálafyrirtækjum.

Í skýrslu Bankasýslunnar kemur fram að starfsfólk í fjármálaþjónustu sem hlutfall af heildarvinnuafli hér á landi hafi aukist verulega á síðustu tuttugu árum. Hlutfallið var 3,5 prósent í byrjun tíunda ára-

tugar. Í kjölfar aukinna verðbréfavíðskipta og fjárfestingarbankastarfsemi eftir aldamótin hafi hlutfallið hækkað hratt, fór hæst í rúm 5,0 prósent árið 2008.

Í skýrslunni kemur fram að þrátt fyrir bankahrúnið sé hlutfall starfsmanna í fjármálaþjónustu sem hlutfall af heildarvinnuafli 4,7 prósent, sem er svipað og það var fyrir þremur árum þegar stefnt var að því að gera Ísland að alþjóðlegri fjármálamiðstöð.

Til samanburðar starfa að meðaltali 3,0 prósent vinnuafli við fjármálaþjónustu innan Evrópusambandsins.

**Sveigjanlegt þjónustustig**

Netbankinn

Eigna- og lífeyrisþjónustan

Einkabankaþjónustan

Ráðgjöf

Skattamál

Lífeyrisþjónusta

Eignastýring

Vöktun safna

Verðbréfavíðskipti

Bankaþjónusta

Eignastýring Íslandsbanka  
Sími 440 4920  
Kirkjusandi 2-4, 105 Reykjavík  
eignastýring@islandsbanki.is  
www.islandsbanki.is/fjarfestingar

**Eignastýring í fremstu röð**

Alhliða þjónusta við sparifjareigendur og fagfjárfesta

Eignastýring Íslandsbanka er leiðandi á íslenskum markaði með hundruð milljarða króna í eignastýringu og vörslu fyrir tugi þúsunda einstaklinga og fagfjárfesta.

**Hafðu samband í síma 440 4920 til að fá nánari upplýsingar eða til að mæla þér mót við ráðgjafa.**

Íslandsbanki kt. 491008-0160 er viðskiptabanki sem starfar undir eftirliti Fjármálaeftirlitsins.



## ÚR FORTÍÐINNI



MARKAÐURINN/LÍÖSMYNDASAFN REYKJAVÍKUR

## Þakkar stuðninginn

Nítján ár eru síðan utanríkisráðherrar Eistlands, Lettlands og Litháens komu hingað til lands til að semja um gagnkvæm viðskipti við stjórnvöld. Hér má sjá Lennart Meri, utanríkisráðherra Eistlands, stíga inn í bíl við Flugstöð

Leifs Eiríkssonar við komuna til landsins. Utanríkisráðherrarnir þrjú voru þakklátir íslenskum stjórnvöldum fyrir að styðja við sjálfstæðisbaráttu landanna, sem áður heyrðu undir ægivald Sovétríkjanna.

## YFIR HEIÐINA MEÐ ÓLA KRISTJÁNI



LEXUS GS430 LUXURY í hnotskurn mætti segja að bíllinn hér fyrir ofan sé stórglæsilegur lúxuskaggi hlaðinn aukabúnaði. Og þótt hann sé stór og rúmgóður að innan er hann lipur og léttur í akstri.

MARKAÐURINN/GVA

## Virðulegur en á sér villta hlið



Óli Kristján Ármannsson blaðamaður tekur til kostanna notaða bíla og metur hvort þeir fái staðið undir því að kallast forstjórabílar.

Leiti maður að notuðum forstjórabíl er vandfundinn vænlegri kandidati en Lexus GS430 Luxury. Bíllinn er af 2005 árgærd, en í raun eins og nýr, enda ekki ekinn nema tæpa 36 þúsund kílómetra.

Ekki verður annað sagt en að Lexus hafi tekist vel upp í að sameina hér í einum bíl kosti sportbílsins og lúxuskerrunnar. Bíllinn er lipur og léttur, enda kannski ekki mikið mál fyrir hestöflin 282 að vipa bílnum um göturnar. Í valborði við hliðina á bílstjórasetinu eru hnappar þar sem valið er um hefðbundna- eða sportfjöðrun, og um hvernig inngjöfin tekur við sér (kraftinngjöf, venjuleg, eða mýkri), auk þess sem þar er hægt að hita og kæla framsætin.

Með stillt á venjulega inngjöf og fjöðrun líður bíllinn um lungamjúkur og ökumaðurinn getur látið eftir sér að njóta í hægindum allra annarra þæginda sem bíllinn hefur upp á að bjóða: sóllúgu, kraftmikils sex diska hljómkervis með afbragðsgóðum tóngæðum, já, eða upplýsingaskjás bílsins þar sem upp er gefin staðsetning hans í GPS-hnitum og ef til staðar er

kortadiskur, þá má sjá þar nánari útfærslu, gefa raddskipanir og fá upplýsingar lesnar úr leiðakerfi.

Þá er vert að minnst á að upplýsingaskjári bílsins bregður líka upp mynd af því sem fyrir aftan bíllinn er þegar sett er í bakkgír og því hægur leikur að bakka vandkvæðalaust.

Bíllinn er endalaus uppspretta smáþæginda sem of langt mál yrði að tina til. Þó má nefna að lykilinn þarf aldrei að taka upp úr vasanum, skynjari í hurðum nemur höndina og aflæsir þegar maður vill opna, og bíllinn er ræstur með hnappi í mælaborði. Sólhlíf í afturglugga rennur sjálfkrafa frá þegar maður bakkar, skriðstillirinn (cruise control) er haganlega staðsettur í stýrinu þar sem einnig er hægt að stýra hljómf lutningstækjum og hringja úr innbyggðu handfrjálsum GSM-kerfi bílsins eftir að búíð er að virkja blutooth-tengingu milli bílsins og farsíma ökumanns.

Allt er þetta mjög skemmtilegt og bíllinn fallegur, kolsvartur og rennilegur, með svarta leðurinnréttingu. Hjá undirrituðum falla hægindin hins vegar í skuggann af því hversu skemmtilegur bíllinn er í akstri, sér í lagi þegar smellt er á sportfjöðrun og kraftinngjöf. Þá líður manni eins og í lúxuskappakstursbíl og helsta vandamálið að halda sig innan lögbundinna marka og fara ekki of nálægt öðru hundradinu þurfi

## HELSTU STAÐREYNDIR

## Lexus GS430 Luxury, árgærd 2005

Ásett verð:	5.390.000 krónur
Ekinn:	35.700 km
Lengd:	482,5 cm
Breidd:	182,0 cm
Litur:	Svartur
Sætafjöldi:	5
Þyngd:	1.715 kg
Burðargeta:	445 kg
Slagrými:	4.293 cm <sup>3</sup>
Afl:	282 hö
Eldsneyti:	Bensín

maður að taka fram úr. (Jafnvel á leiðinni upp Kambana.)

Fátt er hægt að finna að þessu afbragðstæki. Meira að segja bensíneyðslan er hóflegri en maður hefði búist við. Í blönduðum reynsluakstri, þar sem ekki var alltaf verið að spara inngjöfina, fór eyðslan rétt upp fyrir ellefu lítra á hundradíð. Í forstjóraregri akstri væri maður líklega í kringum níu lítrana í blandaða akstrinum. Eina álitamálið er kannski verðmiðinn, en á bíllinn eru settar tæpar 5,4 milljónir króna. En ef maður er á annað borð á höttunum eftir forstjórabíl (og ekki þannig gerður að bíllinn verði að vera jeppi) þá ætti það nú kannski ekki að vera fyrirstaða. Lexus GS430 Luxury fellur klárlega í flokk forstjórabíla.

25%  
afsláttur í ágúst

## A4 Bréfsefni

**500stk. ~~30.710kr~~ með 25% afslætti 23.033kr**

Verð er gefið upp án vsk. og aksturs. Verð getur breyst án fyrirvara. Rétt verð má sjá á [www.odd.is](http://www.odd.is). Allir uppgæfir vinnslutímam miðast við samþykki lokaþrófarkar og afhendingu vöru inn á afgreiðslulager Odda. Vinnslutímam geta tekið breytingum. Birt með fyrirvara um prentvillur. Afsláttur gildir ekki með öðrum tilboðum.

Oddi - umhverfsvottuð prentsmiðja. Höfðabakka 7, 110 Reykjavík, sími 515 5000, [www.odd.is](http://www.odd.is)

## FRÉTTABLAÐIÐ Á NETINU

Þú getur alltaf lesið Fréttablaðið fritt á Vísu eða fengið sendan daglegan tölvupóst með blaði dagsins. Nánari upplýsingar á: [visir.is/dreifing](http://visir.is/dreifing)



Allt sem þú þarft...

## BETRA VERÐ

Nýherji kynnir verðlækkun á Canon-prenturum fyrir skrifstofuna.

Nú er rétti tíminn til að endurnýja tækjakostinn. Afkastamiklir prentarar á frábæru verði.



**Canon**



## MF8030CN

Fjölnota litaserprentari og skanni fyrir minni skrifstofur.

- Skannar beint á minnislykil eða yfir í tölvu
- Innbyggð nettenging

Aðeins **69.900 kr.**  
Áður 89.900 kr.



## LBP6650DN

Fullkominn laserprentari.

- 33 bls. á mínútu með PCL5e/6 stuðningi
- Innbyggð nettenging
- Tvíhliða prentun
- 250 bls. pappírskúffa

Aðeins **64.900 kr.**  
Áður 84.900 kr.



## LBP7750CDN

Afkastamikill litaserprentari.

- 30 bls. á mín. í lit og 30 bls. í svarthvítu
- PCL5c/6 & UFR II stuðningur
- Innbyggð nettenging
- Tvíhliða prentun

Aðeins **119.900 kr.**  
Áður 154.900 kr.

**NÝHERJI**

BETRI LAUSNIR

Nýherji hf. Borgartún 37 Kaupangur, Akureyri Sími 569 7700 [www.netverslun.is](http://www.netverslun.is)

# HAMSKIPTI VESTURPORTS

EFTIR FRANZ KAFKA

LEIKSTJÓRN: GÍSLI ÖRN GARÐARSSON OG DAVID FARR

LEIKMYND: BÖRKUR JÓNSSON

LJÓS: BJÖRN HELGASON

LEIKARAR: ELVA ÓSK ÓLAFSDÓTTIR, GÍSLI ÖRN GARÐARSSON,  
INGVAR E. SIGURÐSSON, NÍNA DÖGG FILIPPUSDÓTTIR,  
ÓLAFUR EGILL EGILSSON

TÓNLIST: NICK CAVE OG WARREN ELLIS

Sýning ársins og leikmynd ársins, Gríman 2008

★★★★★ *Time Out Hong Kong, The Guardian UK*

"Best International Production of the year" *Sidney Times*

"It's also, thanks to this team, very possibly, the finest, highest expression of theatre to which I've yet borne witness" *Australian Stage*

"An 85 minute masterpiece" *The Daily Mail*

## ÖRFÁAR SÝNINGAR Í ÞJÓÐLEIKHÚSINU FYRSTA SÝNING 27. ÁGÚST!

Hamskiptin í uppsetningu Vesturports hefur farið sigurför um heiminn, nú síðast í Kólumbíu og verður sýnd í Þjóðleikhúsinu í takmarkaðan tíma áður en hún verður tekin til sýninga í BAM leikhúsinu í New York.

**MIÐASALA HEFST 16. ÁGÚST**

Viðskiptavinir Nova fá 1000 kr. afslátt á fyrstu 5 sýningarnar **NOVA**

leikhusid.is, midi.is, sími miðasölu 551 1200

VesturPort



## BANKAHÓLFID

### Dagar þagnar

Mörgum kom á óvart þegar Már Guðmundsson seðlabankastjóri kom í Kastljósið og tjáði sig, að því er virtist af nokkurri hreinskilni, um áhrif Icesave-málsins á gjaldeyrishöftin, verðbólguvæntingar og hugsanlega stýrivaxtalækkun. Vaxtaákvörðunardagur er boðaður hjá Seðlabankanum 18. ágúst og tíðkaðist um nokkurt skeið að stjórnendur Seðlabankans tjáðu sig ekki um nokkurn skapaðan hlut í tvær til þrjár vikur fyrir vaxtaákvörðun og útgáfu Peningamála. Þegar Peningastefnunefnd tók við fyrir um ári samþykkti hún hins vegar nýjar reglur, sem kváðu á um öllu skemmra þagnarbindindi, eða eina viku. Það tók gildi í gær og mun þögnin ríkja í Seðlabankanum fram á miðvikudag í næstu viku.




### Allt frátekið

Maður nokkur stofnaði banka-reikning í Sviss og hugðist færa hluta af sparifé sínu þangað í öruggt skjól. Eins og alkunna er hvílir leyndarhjúpur yfir eignum bankareikninga í þessu landi, sem þekkt er hér fyrir gæðasúkkulaði og rándýr armbandsúr. Einhver auðkenni þarf samt að gefa, sem samstanda af nafni og og númeri. Maðurinn rak upp stór augu þegar í ljós kom að algeng íslensk nöfn eru þegar frátekni hjá svissneskum bönkum. Sagan segir að þeir Íslendingar sem til þekktu í bankageiranum og töldu sig hafa hagnast nóg eftir uppganginn og þeir sem þekkja tímana tvenna í efnahagsmálum hafi fyrir bankahrúnið haustið 2008 talið sig sjá hvert stefndi og fært sparifé sitt í öruggt skjól.

### Saddam og hinir

Ísland er langt í frá eyland í flutningi á fjármunum í öruggt skjól. Mark Pieth, yfirmaður nefndar á vegum Efnahags- og framfarastofnunarinnar (OECD) gegn spillingu, sagði möguleika á að Jörg Haider, hinn látni leiðtogi austurríska Frelsisflokksins, Saddam Hussein, fyrrum einvaldur í Írak, eða Moammar Gaddafi, leiðtogi Líbíu, kunni að liggja á leynireikningum í Sviss. Það sama á því við um sparifé Saddams og fyrirhyggjusamra Íslendinga, spari-bækurnar eru lokaðar óviðkomandi.



2.200

milljarðar króna hafa tapast hjá dönskum bönkum frá kreppubyrjun árið 2008, eða 105 milljarðar danska króna. Sérfræðingar telja það versta afstaðið.

5

milljóna sterlingspunda skuldir (940 milljóna króna) Söru Ferguson, greifnyju af York, valda bresku konungsfjölskyldunni áhyggjum. Hún óttast að Sara verði gjaldþrota.

9

prósenta samdráttur varð í júlí á tekjum norræna flugfélagsins SAS af hverjum farþega, samkvæmt nýjum tölum félagsins. Norski viðskiptavefurinn e24 segir samdráttinn meiri en flugfélagið hafi gert ráð fyrir.



# 100% ENDURGREIÐSLA

## Á VIRÐISAUKASKATTI AF KEYPTRI VINNU


### NÚ ER BESTI TÍMINN TIL AÐ BYGGJA, BREYTA OG BÆTA

Þeir sem grípa tækifærið og ráðast í framkvæmdir núna, fá 100% endurgreiðslu á virðisaukaskatti af keyptri vinnu á byggingarstað. Að auki fæst frádráttur frá tekjuskattstofni sem getur numið allt að 300.000 krónum.\*

### NÝTUM TÆKIFÆRIÐ OG RÁÐUMST Í FRAMKVÆMDIR!

\* Við álagningu opinberra gjalda árin 2011 og 2012 getur fólk fengið frádrátt frá tekjuskattstofni sem nemur 50% af þeirri fjárhæð sem greidd var vegna vinnu á byggingarstað (án vsk.) á árunum 2010 og 2011. Hámark frádráttarins er 200.000 kr. hjá einstaklingi og 300.000 kr. hjá hjónum og samekötudum.

**DÆMI:**  
Hjón láta vinna trésmíðavinnu hjá sér árið 2010.  
Heildarfjárhæð m. vsk.: 937.050 kr.  
Þar af er vinna án vsk.: 493.121 kr.  
Endurgreiðsla vsk. samtals: **125.746 kr.**  
Til viðbótar lækkar tekjuskattstofn þess sem hefur hærrí stofninn um 246.560 kr. við álagningu árið 2011.



**SHARP**  
40" LED SJÓNVARP  
FULL HD - 1920x1080 WXGA upplausn (16:9) - 4 ms svartími - DVB-T móttakari  
LISTAVERÐ: 40": 339.900,- kr.  
**SPARIDAGAVERÐ**  
**229.900,-**  
LC40LE700 LISTAVERÐ: 40": 389.900,- kr.  
**SPARIDAGAVERÐ:**  
**259.900,-**

**AEG**  
AEG LAVAMÁT 52840  
**AEG þvottavél**  
1200 snúninga - Tekur 6 kg - Öll hugsanleg þvottakerfi  
**ÍSLENSKT STJÓRNBOÐ**  
LISTAVERÐ: 129.900,-  
**SPARIDAGAVERÐ: 99.900,-**

**AEG**  
LAVATHERM-T55460  
**AEG þurrkari**  
Bariklaus með rakaskynjara - Taumagn: 6 kg  
LISTAVERÐ: 119.900,-  
**SPARIDAGAVERÐ: 89.900,-**

**CASIO** EX-FC100  
Stafræn myndavél  
**20% afsláttur** af AEG þvottatækjum, kælliskápum, ofnum, helluborðum, gufugleypum og ryksugum  
**GÆÐI OG GOTT VERÐ FARA ALLTAF SAMAN HJÁ**  
**ORMSSON**  
LISTAVERÐ: 57.900,-  
**SPARIDAGAVERÐ: 39.900,-**

**Sparidagar Ormsson**  
i 10 ár  
Umboðsmenn um land allt! LÁGMÚLA 8 · SÍÐUMÚLA 9 · SÍMI 530 2800 · WWW.ORMSSON.IS